

47  
PROGRAMMA

QVO

RECTOR

ACADEMIÆ ROSTOCHIENSIS

JOHANNES ERNESTUS  
SCHAPER

Med.D.&Prof.Ducal.P.suæqve Faculta-  
tis DECANUS  
IN IPSA

PENTECOSTE

DE

VERA DEI AGNITIONE

ut gratulentur sibi omnes, qui ad eandem  
pervenerunt, vitamque etiam agant  
illa dignam,

*ea quâ fas est humanitate monet &  
solicitat,*



ROSTOCHII,

Typis JOH. WEPPLINGII, Univ. Typogr.



**A**ffulsit iterum lux illa tantæ bonitatis, tam mirabilis gratiæ, quæ, ut memoria rei ad omnes postero transmittatur, non sine admiratione hominum, visibili quâdam specie ignis acceperunt SPIRITUM SANCTUM Apostoli. Reparata jam erat gratia omnis in salutem hominum ipsius Filii DEI sanguine, postquam ad dextram DEI ut sederet, ipse cælum adscenderat. Communicabatur ergo ille SPIRITUS hominibus, qui *Patri* pariter & *Filio* ab æterno est communis, ut reducerentur sic ad communionem unius DEI, qui Trinus est in personis. Equidem ab initiô mundi etiam post lapsum, datus est SPIRITUS SANCTUS piis animabus & fidelibus, ea tamen gloria, quæ Apostolos circumfulsit, tamque visibilis donandi modus & mirabilis omninò, nulli antea hominum contigisse unquam legitur. Salvator scilicet, qui lux mundi est, hisce demum temporibus partes suas omnes redemptionis nostræ expleverat, sedens jam ad dextram magnificentiæ in altissimis. Viderant ipsum Patres jam statim post factam iterum mundo gratiam, sed in prædictionibus adhuc, sed in figuris, sed in variis sacrificiis. Apostoli verò quemadmodum ipsum gloriæ Dominum suis ipsi oculis conspici erant, propius sic accedentes ad lucem illam salutis tam desiderabilem, ita illis etiam idem accidit, quod in sole stantibus meridiano: quippe qui illustrius virtutem circa se se radiorum sentiunt. Major ergo gloria majusque lumen Apostolis collatum est & circumfusum, quam Prophetis sive ante sive in N. T. viventibus. Neque illud tanquam abditum lumen in solo pectore continebatur, sed latius hoc diffusum ita linguas occupabat, ut velut ignis in modum divisione factâ, eloquia DEI quam liberrimè enunciarentur, inque auditorum animos divinâ prorsus virtute influerent. Sic de luce in lucem transeuntes Apostoli ita faciem fidei prætulerunt aliis, ut ipsorum quoque animis lumen accenderetur magis coruscum, quam pristinis temporibus. Inde dum major lucis copia hominibus N. T. est facta, Apostolorum scriptis eorumque institutione, prædicandi etiam DEUM aliosque informandi major data est facultas mortalibus, eaque liberior, quam quidem in V. T. Soli tunc Levitico generi, quod ad publica quidem sacra spectat, illa gloria competebat, quæ tamen latius jam patet, non ita uni familiæ ex voluntate DEI propriâ pariter & adstricta: Sed ex omni genere virorum, qui ad docendum apti sunt, juxta & ritè vocati, illô jam munere laudabiliter fungi possunt; Imò qui Medicinam profi-

tentur



58700(47)



tentur, dum sunt è Christianorum grege docti, rerumq; sacrarum  
periti, id etiam sibi sumere possunt, ut, quantum fas est, sua ad glori-  
am DEI dona conferant in informatione hominum ad salutem.  
Quare eò confidentius etiam ego ceu Medicus id jam operæ dabo,  
ut hoc scribendi genere, si non omnes, aliquos tamen ad gloriam  
DEI mecum suscitem, inque luce illâ, cujus semel participes facti  
sunt, aliquâ ex parte confirmem. — Et annon omnia in Penteco-  
ste illâ tam miraculosè ideò facta sunt, ut homines tantâ Aposto-  
lorum luce aut circumfusi aut stupefacti, eò facilius se paterentur  
ad agnitionem DEI adduci? Hoc utique DEI consilium tantæ rei sub-  
esse quàm persuasissimi esse debemus. In eò enim ponitur unicè  
omnis vita nostra, salus omnisque perfectio, ut verè DEUM  
agnoscamus, sicut se ipse in verbo manifestavit. Eò etiam DEUS  
omnem ipse operam confert, eò respicit in omnibus, ut, dum  
gratiam nobis ab æterno iterum decrevit in sanguine Filii sui, re-  
surgamus etiam ad talem DEI notitiam, quæ juxta scripturam vera  
& salutaris est, quæque ipsi per fidem conjungimur ad omnem gratiæ lar-  
gitionem. Fulgebant ergo nunc Apostoli ipsâ luce SPIRITUS SAN-  
CTI gloriosissima, virtuteq; ejus erant animati ad omnem *τὴν ἀποστολὴν*  
i.e. fiduciam loquendi de gloriâ DEI. Neque enim mente abalie-  
nati erant, sicut gentilium vates accepimus in suis oraculis, neque  
in excessu quòdam mentis sive ecstasi constituti, velut ipsi ignorantes,  
in corpore an extra illud versarentur, aut visionem aliquam passi,  
sed mente præsentissimâ sibi verba coram populò fidei faciebant,  
ceu Evangelii præcones illustres jam & ab ipsò DEO in terram emissi.  
Ita verò quomodo ignorare poterant SPIRITUS SANCTI sive vim  
per se subsistendi sive Divinam gloriam? Anne cujus templum erant,  
ut in ipsis operaretur & distribueret dona sua sicut vellet 1. Cor. XII.  
v. 11, annon qui peculiari prorsus modò, eòque distinctò ab aliis per-  
sonis apparuit Luc. III. v. 22, quiq; alius consolator audit Joh. 14. v.  
16, isque cum mutatio genere talis Joh. 16. v. 13. annon inquam alium  
de eò sensum, quàm quem persona habet, sibi concipere aut persuade-  
re poterant? Tanta simplicitate eaque verborum gravitate hæc de  
SPIRITUS SANCTO dicuntur, ut cæcus esset, qui non ipsum inde  
personam esse agnosceret. Et qui talis est, ut secundum excellen-  
tiam appelletur ipse Dominus, non dependens ab a iò 2. Cor. 3. v. 17.  
ipse DEUS, in quem gravissimè mendaciò peccatur Act. 5. v. 3. sq, quiq;  
profunda



profunda DEI quævis, quæ infinitæ sunt magnitudinis, perspecta prorsus habet 1. Cor. 2. v. 10. annon eundem Apostoli creaturæ annumerare potuerunt? Tantum abest, ut qui vel parum intelligendi virtute valet, divinam SPIRITUS SANCTI Majestatem in dubium vocare possit, ut eadem potius modis omnibus apud animum confirmetur, dum quæ adducta sunt, de SPIRITU SANCTO quàm manifestissimè dicuntur. Imò dum ipsum SPIRITUM SANCTUM vocant Apostoli nomine & Patri & Filio comuni, quid aliud significatū eunt, quàm eandē & æquale ipsius omninò naturā & virtutem, ut pote in quò tanquā terminò communicatio essentia Divina subsistit, ne in plures emanet, acquiescentibus jām ipsē tanquam suū SPIRITU & Patre & Filio unicè. Et jucundum est cogitare, illum SPIRITUM nobis dari, qui in DEO ipsō est, à quò procedit, sicut spiritus hominis in homine 1. Cor. 2. v. 11., ut nimirum in Divinis testem habeamus certissimum, omni *πληροφωρία* gratia Divina incumbentes. SPIRITUM ergò habuerunt Apostoli, qui Christi est Rom. 8. v. 9., dum CHRISTI erant, inque ejus gloriam & voce & scriptis omnia dirigebant, non audentes aliquid proferre, nisi quod CHRISTUS per ipsos operatus esset Rom. 15. v. 18. viventes sic in fide, quæ est in JESUM CHRISTUM Gal. 2. v. 20. Quæ omnia ita clarè in Apostolis etiam arguunt talem CHRISTI agnitionem fuisse, quā ipsum ceu fontem atque Autorem vitæ salutisq; nostræ amplexi sunt & secuti. Non ipsū ceu nudum hominem adorarunt, sed talem, qui gloria Divina refulgeret Joh. 17. v. 5. Non venerati ipsum sunt ceu proximum à DEO, sed talem, qui simul esset verus DEUS in altissimis Rom. 9. v. 5. DEI quæ æternus Filius: Non vitam in ipsō agnoverunt, qualis creaturæ est, sed æternam, ut ipse etiam esset vita æterna 1. Joh. 5. v. 20. Et dum Filius in Patre est, & Pater in Filio, ut qui Filium videt, ipsum etiam Patrem videat Joh. 14. v. 9, palàm est, ipsos etiam in Patris gratia vixisse tanquam verè gnaros, quæ esset gloria DEI Patris & voluntas circa salutem nostram. Adeò ex verâ DEI agnitione juxta promissionem CHRISTI ea in Apostolos gloria defluxit, ut in publicam sint lucem non sine miraculò quodam protracti! Adeò quoque omnia eò concurrunt, ut per Apostolos, Evangelii luce per universam terram dispersâ, ex ignorantia tenebris ad DEUM sic redirent homines! Ita demum hoc festum gloriosum est, inque luce versari debet, ut ad DEI imaginem magis magisque reviviscamus in sanctitate veritatis, agnolcentes SPIRITUM SANCTUM non sine Patre & Filio, neque

Patrem



Patrem & Filium sine SPIRITU SANCTO. Hæc fides nostra est fun-  
damentum illud immotum & necessarium, cui salutis nostræ uni-  
versa structura quàm tutissimè inniti debet. Extra illud qui DE-  
UM quærent & salutem suam, in quævis præcipitia abripiuntur,  
sine DEO, sine testamentis promissionum in mundo oberrantes, ne  
spe quidem vitæ amplius ipsis relicta. Itaque in eò ut fides nostra  
radices agat, tota semper mente in hanc curam incumbere oportet.  
Nihil enim magis adversariorum telis velut expositum est, ni-  
hil frequentius læssitur, nihil hostibus tam invisum tamque noxium!  
Illibatâ namque hæc fide nostrâ, ut verè in eam recumbamus, nullus  
rei adversæ impetus tam violentus tamque formidabilis esse potest,  
quem non sustinere liceat, pugnante pro nobis ipso DEO. Et cum n y-  
sterium hoc S. S. Trinitatis rationi prorsus absconditum sit, ne vesti-  
giis quidem ullis post lapsum nobis remanentibus, quibus sensum ejus  
quodammodo assequi daretur, revelari nobis utique illud ab ipso DEO  
debuit, ut sicut solem solius solis beneficio intuemur, DEUM Meriam nec-  
strum contemplemur ex lumine verbi sui. Atque tam clarè, tam  
luculenter & perspicue mysterium hoc in Ecclesia ex verbo DEI  
semper fuit propositum, ut qui negaverit aut ignoraverit, prorsus alic-  
nus fuisse ab omni fide, & Ecclesiæ societate indignus quàm rectissi-  
mè censeatur. Neque enim mysterium adeo amplius est, quod non  
possit jam cognosci, dum scriptura patefecit, aut rationi omni ad-  
versum, ut eam planè subvertat, sed sapientia est fidelium summa  
& perfectissima & absolutè necessaria. Differunt utique personæ Sa-  
cro sanctæ inter sese, ut revera alia atque alia sit, non tamen DEUM  
inde statim alium atque alium admittere necesse est. Anne gutta est  
liqvor in globulum compactus? Annè verò tres guttas etiam tres li-  
qvores sive aquas statim appellare fas est, ut alius atque alius inde liqvor  
enascatur? Et annon illas potius tres globulos liqvoris sive aquæ esse  
dicimus? Aut ut propius καὶ τὸ ἀνθρώπων ad rem accedam, anne corpus  
solare & radius solis, quæ distincta tanè sunt, duo soles etiam dicuntur,  
licet ambo solis appellatione gaudeant? Imò ramum crassiolem, eum-  
que proximè à terrâ exurgentem, dum omnem arboris naturam in  
se complectitur, verè etiam arborem præter stemma vocamus: annon  
verò hæc duo arbores etiam duas nominare aut natura fert, aut con-  
suetudo, quæ est dicendi magistra? Si jam in humanis sive terrenis  
licet diversa sint, quæ definiuntur, non tamen semper ipsa  
res, quæ illis æqualiter communis est, multiplicatur, neque  
ejusdem appellatio, quid quæso causæ est, cur in Divinis Personis mul-



multiplicationē essentiae effingamus, reclamantē ipsa scriptura? Aut  
cur tantam hīc intelligendi difficultatem obijcimus, cum tam plane  
& significanter rem omnem scriptura proponat, & exempla etiam  
inveniantur in naturā, ubi in unā eādēmqve re plura tamen, quæ distin-  
cta sunt, subsistunt. Non à ratione hīc auxilium peto, rationi ta-  
men corruptæ, quæ semper contra fidem tumultuari studet, sua  
quæ habet, infringere aut subducere conor, ne in tanto rationis abusu  
sibi ipsis tam securè placeant adversarii, aut peccatū, quod nobis inest,  
ad omnes fraudes incredulitatis magis ingeniosum pariter & mole-  
stum esse judicetur. Neque est, ut ex Personis Divinis aliquam com-  
positionem in DEO metuas, cum sint ita unum simplicissimum, ut  
sint etiam in sese invicē Joh. XIV. v. 10. 1 Cor. 2. v. 11., non altera ad alterā  
tantum, & quælibet sit ipsa tota essentia Divina. Et quid? Annon quan-  
titas & figura dum in eodem corpore distinguuntur, etiam per se com-  
positionem partium reverā gignunt? Annon potius altera ex altera  
resultat, cum tamen quæ rem componunt partes, ad se mutuò ac-  
cedant? Et dum quantitas & figura intelliguntur re ipsa simul esse, licet  
quantitas prior concipiatur, quomodo altera alteram potest perfice-  
re ut actus potentiam? Quantò minus tale, quod sive compositio-  
nem sive varietatem aliquam perfectionis inferre potest, de natura  
Personisqve Divinis cogitare licebit? Et sit in rebus creatis una mo-  
dò substantia in uno, per quod subsistit, & à quo appellationem sui  
accepit, ut communi rerum ordine non animadvertatur aliis etiam  
communis esse! Non tamen præjudicium inde aliquod fieri debet,  
quod sequamur in fide nostra de natura Divina, quæ nihil sui extra  
se habet simile, captum etiam humanum infinitis prorsus modis ex-  
cedens. Et quid dicamus de monstris gemellorum coalescentium, qui  
communi corpore aluntur? Annon ibi quoque una substantia uni rei  
subsistenti ita est propria, ut alterum subsistens prorsus excludatur?  
Annon corpus adest, quod commune ipsis experimur esse? Ita nos  
confundit experientia cum canonibus nostris, ut non habeamus, un-  
de elabamur, & tamen cum ratiunculis istis cœlum ipsum aggredi  
& confundere, resque Divinas velut examine quodam metiri non e-  
rubescimus. Reddat modus subsistendi peculiaris, qui in DEO Pater est,  
essentiam Divinam ipsi propriam, & non communem, communicat  
tamen eandem Pater Filio sub alio characterē Personali, dum Filius  
generatur, sicut sol indefinenter gignit radium suum ejusdem natu-  
ræ & ejusdem unius essentiae. Itaque ne sit persona communis alte-  
ri, atq; alia fiat, facit proprius subsistendi modus, ita quidem, ut nec  
essen-



essentia Patris, qva Pater est, ad Filium transeat, transittamen tota, qva Deus est. Ita verò suâ cadit causâ ratio, ne amplius tantum inter-  
strepere mysterium S. S. Trinitatis opus habeat, illudqve prorsus sibi  
adversari pronunciet, velut rationis inde usus quodammodo inuti-  
lis reddatur. Atq; ego ceu Philolophiæ amator rerumqve naturali-  
um, cum medicus sim, principia per vestigans, eò libentius jam ratiun-  
culas istas, qvibus in contrarium nituntur adversarii, persequi vivo-  
lui, qvò magis infensas nobis illas esse deprehendi, subinde etiam  
ipsâ naturâ nostrâ, qvæ corruptionem in se patitur, eò cum scrupulis  
suis propendente. Qvibus jam cum nihil ponderis inesse oppidò cer-  
natur, infirmitate ubiqve elucescente, non est, ut ejusmodi minu-  
tias vel qvicquam moretur pius animus, sed impium potius judicet,  
causæqve prorsus desperatæ, contra Scripturam illas nugas agere. Gra-  
tulemur ergò nobis de tantâ luce, qvâ nos de ignorantia tenebris  
triumfare voluit Spiritus Sanctus per scripturam. Agnoscamus  
eâ qvâ fas est pietate immensum id beneficii genus, qvo non extra  
DEUM, sed ante oculos DEI versamur, verâ ipsius agnitione collu-  
strati. Gaudeamus ex omni pectore, qvòd eum Patrem nostrum  
in JESU CHRISTO per Spiritum Sanctum compellamus, qvi est ipse  
rerum omnium Dominus, in qvo vivimus, movemur & sumus Act.  
XVII. 28. Hujus rei magnitudinem, qvâ nostra augetur felicitas, quis  
satis animo aut complecti potest, aut enunciare? DEUM qvi sincere  
novit, ut veritatem etiam cum fide jungat, in familiaritate DEI  
vivit, nihil sibi metuens ab incursione mali, tanquam DEI munimen-  
tum & habitaculum. Qvàm jucundè non DEUS ipse copulat no-  
minis sui agnitionem, qvæ fidem sibi habet comitem, cum promissi-  
one gratiæ suæ: *Prolegameum*, inqviens Ps. 91. 14, *quia novit nomen meum, in-  
vocat me, & exaudiam eum*. Annon destitutus unqvam potest sic esse veri  
fidelis, aut frustra Deum intelligere? Imò veiò effusus est amor DEI su-  
per nos, ut sensum etiam ejus habeamus certissimum per Spiritum S.  
qvi datus est nobis Rom V. 5 Hoc pignore, hoc ceu sigillo confirmata &  
circummunita est fides nostra, ut in omnes partes quàm latissime pate-  
at certitudo salutis nostræ. Neq; enim pignus est Spiritus Sanctus aut sigil-  
lum otiosum & insensibile in nobis, sed vivum est & efficax ad omnes  
semper fidei motus excitandos & inflammandos, ut ad sensû nostrum  
valeat, sicut pignus & sigillum, cui fiunt, etiam ipsi in lenius in-  
currere debent, ut certus rei acceptæ ita reddatur. O quantæ  
voluptatis est, has animo lubire cogitationes! ille datur nobis pigno-  
ri, qvi procedit ipse ut aternus Amor à Patre & Filio. Qvòmodo nos

odio



odio possumus esse DEO? quare nos derelictos putemus, dum intan-  
tis deliciis DEI per fidem ipsi sumus? ille nobis sigillum est, qui ipse  
velut in se obsignat & finit gloriam divinam, ne alius post ipsum pos-  
sit sibi habere illam amplius communem. Quantum hoc solatur a-  
nimam! Ecce! circumdat nos velut muro quodam Spiritus Sanctus, &  
se ipsum objicit contra hostium invasiones, ne relabamur sive ad  
carnis nostræ sive ad mundi societatem, sed ipsius proprii maneamus,  
tanquàm obsignati ad solius DEI gloriam & possessionem. Inde  
malis in anima fidei cogitationibus non ita facilis conceditur aditus,  
ut ipsis pareatur, sed lucta fit cum illis perpetua, ut supprimantur:  
imò quicquid ingreditur etiam sub bonitatis imagine, non prius ad-  
mittitur, quàm examinatum fuerit ex scriptura, an conveniat. Hanc  
faciem præse fert homo, hoc experitur in sese, qui Spiritu Sancto  
tanquã sigillo insignitus est. Et quanquã non semper fides inde in sen-  
sus nostros redundet, conturbante animũ tentatione gravissima cum  
magnâ anxietate, ad est tamen Spiritus DEI cum gemitibus suis in ef-  
fabilibus, quibus intercedit pro nobis Neque pignus semper est in oculis  
aut manibus, sed sæpius in abdito loco: Neque sigillum ex omni  
rei facie apparet, sed tantum in certâ quadam. Hæc jam *Cives optimi*  
ad animum mittamus, non ita otiose aut sine meditatione rerum  
sacrarum præsens salutis tempus consumturi. Præire ipse volui, fa-  
cemque velut præferre, ut quæ esset sana religio Medici partim con-  
staret, partim ut seqvamini vos, si quod est exemplum pietatis, simi-  
lem in rebus sacris aut operam aut cogitationem locaturi. Atque  
præcipue incumbit nobis jam omnibus, ut tantâ gratiâ, quâ nobis se  
DEUS aperuit, dignos etiam nos geramus per omnem vitam, il-  
losque fugiamus quàm maximè, qui emota velut mente DEUM aut  
aliter sibi fingunt, aut ex animo prorsus dimovent, modo ut licen-  
tia sit, libidines suas eò magis explendi, inque diem sic securius vi-  
vendi. Nos qui aliter edocti sumus, sensumque DEI cum ex natura  
tum Scriptura deprehendimus tam facilem tamque infallibilem,  
ad aliam mentem redeamus, collectisque in ulum nostrum sapientiæ  
dictis, & timorem & gloriam DEI ita præfigamus nobis, ut cujus filii  
simus & progenies, ex ipsa rerumstrarum facie non difficulter in-  
telligatur. DEUS verò Pater gloriæ dei nobis Spiritum sapientiæ &  
apertionis, ad ipsius agnitionem, oculosque mentis illuminatos, ut intelliga-  
mus, quanam sit spes vocationis divine, & qua divitiæ gloriose he-  
reditatis DEI in sanctis, & quàm excellens magnitudo virtutis  
divinæ erga nos, qui credimus Eph. 1. 17. seqq.